

西利亞郡主別傳

上、下

上海商务印书馆发行

# 西利亞郡主別傳卷上

英國馬支孟德著

閩縣林紓

仁和魏易 同譯

## 第一章

司丹列米里迭司曰天下男女果有至情者雖重扃累鑄皆不能關鎖之也故余及西里亞竟在摩阿貝海灘之上觀海潮之澎湃觸於海岸作異聲動人而四月陽光射金於濤頭之上生人眼纈余及西里亞兩心雖無隔閡而隔閱之事又出人意外今日歷萬難而謀談心於此較之長年共處其味爲甘是以隔閱之力生余滋味不鮮矣西里亞以目視余曰司丹列今日余歸必有不特意事彼密昔司考林烏德必爲獮惡之容以嚮我必且以書告之亨利寶星惟我何懼之有言已搖其首不已余曰汝旣無懼我又焉得懼果汝歸而考林烏德作爾許獮態汝勿視之可爾讀吾書者須知亨利寶星吾季父也爲西里亞顧託之人故吾二人見

長者頗形慄懾。惟口中固強而顏色中不期已軒豁呈露。猶勉爲倔強之言曰。吾二十五歲汝亦二十。在禮婚姻之事可以自由。果季父不欲亦僅能聽之而已。西里亞曰。以理卜之。寶星固無如爾何。惟恐遷我於異地者。爾我之情睽矣。余曰。同在人境亦無不到。卽今所處之摩阿貝地。至冷僻如落空門。西里亞曰。果近女冠茅庵中。則汝亦無由相聚矣。余曰。否否。卽踰牆毀屋。吾亦不惜性命爲之。必得汝爲止。誠告汝。以我爲人。果欲必得一物。必成一事。雖百折亦不卽回。西里亞笑曰。汝乃敢以我爲物耶。余知其作嬌惰語。則抱而親之以口。曰。所親吻處。卽吾物。且尙有物。因授以金剛石之戒指。曰。趣出左手。吾爲加之。女驚曰。司丹列茲事。吾殊怖。不敢卽允。余曰。何也不敢二字。汝竟出諸口耶。以汝直氣正辭。何事退怯。趣出爾手。加此戒。指西里亞縮其手。作嬌惰語曰。我不允汝。又如何者。余曰。否。仍出爾手。否則我將句女。背手言曰。汝將如何。余曰。不出手者。我卽謂汝今日不欲見我。女無言。出其手。余以戒指加其第四指上。加時祝曰。汝受此戒指。方欲更言。女縮

手曰。司丹列勿絮絮苦人。余仍祝曰。加此戒指。終身無脫落之事。苟非句語至此。女又止余。以手自掩其目。言曰。司丹列今日太苦我。紅潮滿其頰。而胸際起伏氣。咻咻然。余曰。此事直表我之情。箋箋之戒指。卽爲後來夫婦和諧之券。語至此。女下其兩手。納余兩脣之間。言曰。匪特惜此戒指。且終身保之。余卽捧其玉手。親之。曰。西里亞汝身永永屬我矣。女曰。可。永永不舍君也。亦自親其戒指。以手仍納余脣。復以首枕余懷。同觀海鷗之飛鳴於波上。少須微笑曰。耳根終不淨。然終須以理勝之。決不敗衄。余曰。我助爾同行。決不令爾一人見窘於老嫗。西里亞曰。汝有何術。見助實則我卽爲汝受謗。亦良甘之。究何懼者。且無論所遇如何。聊託此戒指爲銷憂之具。語次。時時目戒指不已。厥狀若甚貴此戒指。余曰。彼若不聽汝。加此戒指者。又若何。女大怒曰。司丹列汝何言。是物乃令人抵觸之耶。余曰。我意決不聽人觸此戒指。西里亞曰。我正欲得其觸我戒指之人。我方將以戒指爲甲盾。用以抵之。余曰。我意匪惟甲盾。且用爲鑰匙。女曰。鑰匙何用。噫。知之矣。吾團園之。

境界防其嚴局深閉故以匙開之余曰我意尙有扉亦以此開之卽開爾今日囚拘之囹圄西里亞曰我得此物世上安有囹圄余聞言慰極知女之見貺深矣如是者可半晌彼此均無言余曰西里亞我將行抵風浪矣卽有不若之事亦早以備禦爲是女曰胡急急爲少須於此亦爲佳境余曰否吾季父非易言者與之抗辨須夙爲之備女曰汝將如何余曰第一事汝先歸與考林烏德言女瑟縮似懼言曰我殊不敢竟歸惟志已決卽有所言必不之諾余曰同歸可乎女曰汝乃甘同我鬪此老龍耶余曰然當面告以吾二人已定情矣尤當告彼余後來爲襲爵之人幸勿逼迫爵夫人至於極地女笑曰以我觀之汝不同行爲是行將使彼莫堪余曰汝歸時彼老龍問此戒指胡來汝將何辭以對女曰我誠告以爲汝所賜好因取表視曰我輩歸矣於是二人同起緩步行過村莊卽西里亞所居地余曰我與考林烏德言已卽往面吾季父矣女曰汝見季父我亦同行爲佳余曰對此

老人汝幸勿前。老人冷面向人。非考林烏德之比。女笑曰。純爲吾事乃生奇閨。其禍均發諸我。余曰。惟其先難後獲。乃有餘甘。此間且增我一重佳話。女曰。吾亦願趣完此好事。亨利寶星待我厚。我終身固依賴其人。惟剛狠難犯。亦難語以情慾。余曰。老人如善居積之人。雖一絲半杪。無肯讓人。女曰。汝曾否料及此翁極力梗。余事果爾者。亦正難圖。積忿既深。能否令爾處於惡地。余曰。季父終不能以爵位采邑。斬不我與。卽怒極。亦但格其私產不我與。我亦無惜。且縱不情。亦萬不間我。情慾語次。已至家。遵小道入門。女微語曰。老龍方掀簾窺我。余曰。果無旁人者。卽於此間親吻以激之。旣至門。余出名紙付侍兒。言將謁見密昔司考林烏德。乃與西里亞至客座候彼。而西里亞甚中憚。不敢咳。少須聞長裙聲。余知大仇至矣。故引西里亞手指揮窗外。令女驩笑。女方笑而媼已入。人極長瘦。霜容被其臉際。見狀已怒。執余名紙與余鞠躬。余曰。密昔司考林烏德無恙。語次甚親。將與握手。媼作嚴冷之狀。出兩指授余。余僞爲不審。則佯笑把之爲禮。言曰。今日適有事與姥。

言爲時暫也。嫗微點其首。將就坐。忽見西里亞手上有戒指。卽曰。西里亞。汝指上何物者。余曰。姥見之矣。大抵姥亦願成此良緣乎。西里亞。汝握戒指請姥觀之。此戒。指是我所贈。用以定情。嫗大怒。曰。西里亞。趣下此戒。指汝惡敢逞其私約於吾前。余思今日吾幸自來不爾。女不能勝此暴也。卽進曰。此事不敢承諾。我愛西里亞。西里亞愛我。亦人情之常。姥少年亦嫁夫者。胡能以威力迫除。戒指今旣定情。宜有信。物理當祝。女郎永永戴之。嫗曰。不然。吾立將以書告寶星。言爾竊至是間。背我爲幽會。此事大傷廉恥。污及名譽。余曰。馬丹恕我。汝以汙穢之言。加我品行。及於西里亞之身。汝亦知寶星逝後。男爵卽予承襲否。我論娶固自有權。即西里亞終身託人。亦自有權力。汝何與者。嫗曰。汝爲此事。寶星決不汝許。究有何術止我。且勿勞翰墨。我自往面吾季父。果季父有非分之干。與我決不之承。即使西里亞以書告我。敢專制無等者。我立取西里亞居我姑氏及余妹氏家。嫗見狀知余怒。亦不余答。

女此時忽生妙悟。則長跪於媼前曰。姥愛我。我於此時中心滋適。姥忍使我不歡耶。媼怒極亦不之顧。言曰。我何與爾事。爾今背我矣。我決以書告寶星。謂爾不應背我而出與人野適。且爾二人咸知寶星囑我不令爾二人相見。余曰。事定矣。決不更易。至背理與否。汝可勿與。且亦莫能沮我。今日示汝後。卽往面吾季父。媼仍不答。但曰。吾必以書與寶星。余曰。聽汝所爲。惟旣奉告。敢無禮於吾西里亞。當卽遷居。更圖相見。我行矣。西里亞汝少送我語。後引女行。媼欲起。沮已無及矣。

## 第二章

余之定婚於西里亞。必欲告之季父。然車赴倫敦時。道途愈近。而氣愈懾。質言之。余與季父意見初非水乳。吾父逝後。所依者卽爲季父一人而已。惟視我孤兒。及我女兄弟。咸落落無復親愛。嚴厲吾不敢怨。間亦有不本於公者。殊不足以服吾。迨吾年稍長。頗知季父之蓄私心。不必有骨肉之愛。且平日行蹤至詭祕。出或數月。莫審所適。其知者。惟其心腹之僕司吉瓦子。德人也。或能知之。其人尤獗堅小。

人見人足恭無已。而眉目間恆露狡逞之狀。余十八歲時及余兩女兄弟赴季父。此僕間出穢語。余曾立批其頰。以是之故。積憾於心。苟得間隙必圖仇復。而余之與季父每於相見時恆多訟鬭。而此來尤烈。然西里亞生平胡以必須余季父爲之保護。則余與西里亞咸不自知。惟季父於西里亞受學時。頗加以誘掖。余亦曾問西里亞身所自來。季父卽立斥余勿言。一日余私謁西里亞。爲季父所知。則大怒。叱咤止余勿爾。自是以來。卽令考林烏德挾女避地歐羅巴大陸。斯不吾見。旣歸。則寘之村莊中。幽闊不可覓。非吾妹氏告余。余又安從得之。時余至倫敦。爲時已暮。立以車及老人家乘此毒嫗讒書未至之前。自陳司吉瓦子開門見余。余曰。我將謁老人。司吉瓦子僞恭言曰。防不在寓。請先赴客座俟之。吾入面後。更報公子。余知此僕入告。必加峻辭。卽曰。勿勞綱紀。我自入視。司吉瓦子曰。公子猝入吾職司已廢。余曰。汝先行。吾躡入。但爲我通謁足矣。然吾身高於此僕。僕款扉時。余已矚得老人在室。方吸煙。手中展書稿。司吉瓦子告余名時。季父曰。汝告彼。吾不

之見。然季父實已見余。余不待其詞之畢。卽跨入言曰。我來矣。蓋有要言奉稟者。人引手與季父爲禮。季父曰。卽有事以書來可也。我好靜惡擾。汝不知耶。矧余適有要事。方有所思。語後仍以目視案上稿。初不盼余。余公然踞榻坐。言曰。季父果有事。吾可坐候於此。遂亦出煙自吸。恭候可半旬鐘。彼此無言。季父披閱書札。旁若無人。余心自念老人以迂緩之狀驕余。余念無論半點。卽一禮拜者。亦無所甚恤。此時但微笑而坐。已事畢。以繩縛書札。納之筭中。藏其匙。將起行。余適坐門次。立而蔽其門。老人怒曰。小乞丐太惱公汝究何陳。乞於我。余曰。季父公事已畢。請納菲言。卽延緩小時。吾亦非憾。老人乾笑強坐。亦喻煙於口。言曰。汝得毋需錢乎。余曰。否。孺子之所言大別於此。老人曰。然則何事。余曰。適孺子來自摩阿貝去時。本欲面西里亞。乞其嫁我。今旣與定情。且贈之以戒指矣。余以爲話時。老人必大怒。顧乃不然。則微點其頭。視余如可憐蟲。輕鄙無極。余無言。老人曰。此下尙何語。余曰。無他事。但以情告季父而已。老人曰。外此無言矣。余曰。無之。季父曰。容再相。

見余愕然不測其意則又言曰季父果以此事爲如何者老人曰汝欲取向背於我耶余曰然願長者勿梗吾事老人曰汝言勿梗耶噫天下愚人行事往往鹵莽如是汝旣愚而自用何復問我余曰此亦大事吾及西里亞終以得請於長上爲當不欲苟自成婚老人沈吟曰汝以何時成禮意態益索漠余對曰未之前定老人曰此可汝二人定情良佳汝旣高碩西里亞亦綽約可云佳偶語時均含譏諷非復誠慤少須又曰汝旣有此議胡不事前見告余曰所以不告長者防觸長者之怒吾事因而罷繩老人曰天下愚人往往如是旣自用矣復不告人一似告人卽成中梗總言之累人又復累己無如此事之爲劣矣余此時幾甘受老人斥責而不願爲是見譏者因曰今日長者見待之狀爲喜爲怒孺子咸莫能推測即使深談亦復無味不如行也遂起欲出老人曰緩之汝旣以無知害西里亞矣卽汝自害吾亦無惜惟不能聽汝之害此女汝坐汝定婚之事可即以是爲止更吸爾煙以定神經余曰孺子乃不審胡以能害此女老人不答余復然火吸煙則芒刺

滿於吾背老人視火不言余曰季父此究何謂請見告余問時老人似出夢卽曰吾平日格汝不見西里亞爾能解吾意否曾疑西里亞爲何人否汝得母謂天下事縱我所爲不省人間之有奇禍余曰以我觀之別無他故但老人不之欲耳老人復乾笑曰此語足見爾言之專爲己也順己爲愛逆己爲憎實告汝汝苟能閱厯須知天下事舍愛憎之外倘他事伏於不測汝當知之余曰其中關鍵安在不發明之吾亦無由深知老人曰實告汝汝將來即可襲爵然終不足爲西里亞之夫余曰不足之理又惡在自問不爲惡而女郎愛我我愛女郎茲常事耳老人張手言曰彼二鵠雌雄相愛作穀穀聲而世界聽之毀敝不關渠矣語次引身就余曰汝知西里亞爲誰余曰吾不之知以目中觀之西里亞者卽西里亞也老人曰汝殆謂世界中爲大同等之世界惟今日之世界非復爲大同等者汝不觀吾生平清矯無兒女之情胡能耗其精力揮其錢財留意於女郎之教育余曰季父之寡情亦但施吾兄弟而已或者季父心念彼前人遺此一塊肉貽累季父故

破格加之以恩。忽見老人首肯言曰：汝言近矣。此女特吾身後之影。余愕然。老人卽曰：彼非我子。果我子者，汝足娶其人。余曰：彼果何人？老人以目視火弗言。久乃曰：此事我及侍者之外，無第三人知者。今不妨告汝。西里亞之不能耦汝者，以彼爲薩克司立伯大公國之郡主，以勢言之，本宜擁立。以尙有人在，旣愚且病，俟彼物故，大位卽歸西里亞。汝今當知其中之故。苟娶其人，甯非汚穢？余聞言大震。老人曰：果爾論娶，彼兄死而嗣寶位，則國人必以爲非偶。將斥爾而別偶王族，則汝將中悔其事否？匪但此也。汝會知吾爲此事，垂老頭顱，命幾岌岌，屬有天幸，得全軀而歸，且託爾祖之靈，遺此爵秩，不必託武弁以餉口，故幸免於死。惟隱祕之事，尙無人知。果使消息外泄，禍且立。瀕語至此，引目視余，余噤不能答。老人曰：汝不信乎？因去其外衣示余，則中裏鋼甲一片。言曰：吾防刺客，着此可二十年矣。且吾不許爾見。西里亞正防爾爲人暗殺汝身，不自擇必欲罹禍，又何爲者？汝明日侵晨，當更來。吾尙有言。汝果欲得其人者，恣爾所擇。余不能更語，但作微呻曰：請季

父晚安。此時神志昏惰。如爲奇光所射。目翳神索。如夢如癡。就寢亦不寐。夜午始一交睫。遲明卽有叩關之人。余立醒。則天甫辨色。余啟關。見余僕威而森。及司吉瓦子同至。言曰。密司忒司丹列趣行。今晨寶星懾慄欲死矣。

### 第三章

余披衣立。馳數分鐘間。已以車赴余季父之難。車中問司吉瓦子曰。老人得母急病發耶。司吉瓦子曰。吾莫之知。吾睡於複壁之外。例在夜午必省主人。入時見主人未睡。伏於案上呼曰。司吉瓦子。吾已矣。汝招吾姪來此趣行。吾以人取醫生。獨身來延公子。余曰。究爲何事。曰。不知也。余曰。汝能以意圖度之否。曰。殊不知吾。遂無言。後此思之。老人之死。乃大可疑。醫生亦無所言。但言心病。以前此曾心痛。此殆舊患作耳。及老人晤余所述。則與醫生之言大左。語余之言爲眞。爲僞。余亦莫知其爲曠耶。或明知其死。特爲危悚之詞以止。余亦復難料。及余一一檢其遺稿。則又似老人所言爲可信。雖死時語至奇幻。以狀察之。必爲人所謀。非

正命也。以其中有情迹可疑之事。則吾父家新收一僕。今晨乃隱不見。自其屋中遺一巨鉗。爲力最鉅。此爲後事。書中當細表之。此時已及季父之家。醫生適診脈已。季父俟余久立。招手至其榻下。四嚮視曰。衆且外出。衆旣退。老人曰。吾今死矣。馬司登醫生乃指我爲心疾。余亦但願人人道我爲心疾。惟告汝則當無諱語。次已罷。則繼續無序。余曰。季父少蘇。勿匆遽至此。老人不悅。則嘖嘖不知所言。似甚有所恨。告余曰。刺客至矣。正假寐間。忽驚醒。則有二人入我屋中。先告我以來意。始出其鎗。尋復變計。以藥灌余口。思之必毒藥矣。余今不復能言。汝當以術得之。余始不之信。則僞言曰。必當爲季父偵此二人。今惟靜攝勿擾。余私念吾季父必有所觸而癟。故語言謬戾至此。季父似知而怒。則矯而大呼曰。司丹列愚哉。吾言確也。語後力盡仰臥。而顏色頓變。余仍侍榻下。防醫生更來。則鞠躬言曰。季父尙何言。季父曰。汝宜留意西里亞。刺客之來。正爲是人。至西里亞之憑據及財產。均在銀行。我死。汝爲之保護。必覓得克龍亨下。尙有言。顧已立暈。余呼醫入。然心中

滋念此人。雖平日見忤。而骨肉至情。至是乃大動。心中則滋願其善終。勿生而爲瘋人。而見譏於世。顧此暈遂不之醒。可一點鐘間。老人已逝。惟中刺客事。心中初不謂然。迨死後。問司吉瓦子曰。汝夜中至主人屋中。曾髣髴見人乎。或未見者。曾否略見其迹兆。司吉瓦子大駭曰。未也。我及主人所居室。乃不扃鑰。可以相通。惟外門則嚴鑰。又何人能入。余曰。汝在複室聞異聲否。司吉瓦子又曰。未也。余曰。汝朝主人時。主人何言。又曰。未也。吾亦懷疑。至門次觀之。嚴鑰如故。是安有人入此。余曰。汝爲主人心腹。亦知主人生平與人。曾有冤對否。司吉瓦子曰。主人逝矣。無從請命。不審主人能否允我徑出諸口。余曰。主人曾語我薩克司公國事有乎。汝試思主人之死。果中刺客者。是否關屬此事。司吉瓦子曰。然。主人生時。時防刺客。主僕均戒備。無復懈息。余曰。何事見謀。曰。主人生時。不聽吾言。余知此僕必不吾告。又思能否徑告以季父臨終之言。旣而又思。卽告之亦無當。此奴之意。與醫生正同。決以爲心病。余苟言之。適以滋人笑媢。而疑議死者。且又安知非死者之亂。

命詳視此門鑰匙。尙留鑰寶。外人必不能入。旣而人散。余就門次細審。頗知大盜之啟人扉。必以巨鉗鑷取鑰匙之項。堅轉之令門自啓。卽赴門外視鑰匙之端。果有受鑷之迹。微微陷入可辨。余於是始疑。而司吉瓦子却告余今日有逃奴始立赴其臥室檢取。卽得巨鉗一具。因更鑰其扉。加其匙於寶。亦自門外以鉗鑷此匙。未試之立效。更觀其竇。則預以油沁其內。余始大悟。刺客之出入。均用是法。能使人勿疑。亦知非偶然之事。惟世界之事。正不必無此偶然者。余乃往招巡捕。謂有一女僕竊物而逃。則別囑包探偵之。顧乃不可尋覓。此女一行聲塵渺然。無可詰。然究吾季父之死。近於謀殺與否。亦不可得實。特於我却增閱歷。其初以爲天下安有難事。及覩老人之衷甲。臨死之遺言。鑰寶之沁油。加鑷方知。天下固有奇變。不可臆度者。季父身後之事。乃棼如亂絲。旣無遺囑。卽一切應了之事。皆漫無規檢。余一一付之律師。惟西里亞事。則余之進退。蓋萬難矣。第一節余先至銀行。取其憑據。披覽一周。覺西里亞實爲薩克司利伯公國之郡主。季父所言。至確合。